


Des Austeylers Eydt.:

Ich N. Schwere / der Römischen / auch zu Hungern vnd Bhem zc. Kñ. May. meinem Allergenedigsten Herrn / Vnd an stat Ihrer May. derselbigen Hauptman oder Verwalter / so iber zeit von Ihrer Mai. inn Sant Joachimsthal verordent werden / getrew vnd gewertig zu sein / Irer May. Gemainen Bergwercks nutz fördern / schaden warnen vnd abwenden / einem jeden sein Austeylung / wie mir die zugerechent vñ geraicht würdet / vnuormindert entrichten / darinn niemand verkürtzen / auch selber Keynes nutz / dann mir zugelassen ist darvon gewarten / Dochgedachter Kñ. M. Ordnung vebstiglich halten / vnd wo ich die vbergangen befinde / warnen vnd ansagen / mich wider dises alles keinerley nutz / gab / gunst / freundschaft oder feindschaft / bewegen lassen / sonder solchs allenthalben / nach meinem höchsten vermügen halten / Treulich vnd vnguehrlich / Als mir Got helff zc.



Begenschreibers vnd Bergk schreibers Eydt.:

Ich N. Schwere / der Römischen / auch zu Hungern vnd Bhem zc. Kñ. Mai. meinem Allergenedigsten Herrn / vñnd an stat Ihrer May. derselbigen Hauptman oder Verwalter / so ieder zeit von Ihrer May. inn Sant Joachimsthal / verordent werden / getrew / vnd gewertig zusein / Ihrer Kñ. May. vñnd Gemaines Bergwercks bestes / treulich vnd vleissig fürdern / schaden warnen vnd abwenden / meinem Ampt treulich fürsichen / Kñ. May. Ordnung vebstiglich halten / Wo ich die vbergangen befinde / warnen vñnd ansagen / Jederman was mir aus Krafft meines Ampts gebüret / gelaiſten / darinnen Eaines andern nutz / oder genieß / den der mir zugelassen vñnd geordnet ist / gewarten / mich darwider Keynerley nutz / gab / gunst / freundschaft oder feindschaft bewegen lassen / sondern will solchs alles nach meinem höchsten vermügen halten / Treulich vnd vnguehrlich / Als mir Gott helff zc.

Silber=